

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«----» հոկտեմբերի 2016թ.

N----Ա

ՈՐՈՇՈՒՄ

ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2015 թվականի դեկտեմբերի 23-ի հ. 451-Ն որոշմամբ հաստատված հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին՝ Երևան համայնքի սեփականությունը համարվող Սիսակյան փողոցի հ.16 շենքի հ.111՝ 62.3 քմ ընդհանուր մակերեսով բնակարանը (անշարժ գույքի նկատմամբ իրավունքի պետական գրանցման հ.24112015-01-0216 վկայական) սեփականության իրավունքով անհատույց օտարել (նվիրել) Սուսաննա Առաքելյանին, Դավիդ Ասատրյանին, Արարատ Ասատրյանին, Արամ Ասատրյանին, Խաչիկ Ասատրյանին, Հասմիկ Ռաթնոսյանին, Կարինե Խաչյանին, Մարիամ Ասատրյանին և Տաթև Ասատրյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Ներկայացվող նախագծով նախատեսվում է Երևան համայնքի սեփականությունը համարվող Սիսակյան փողոցի հ.16 շենքի հ.111՝ 62.3 քմ ընդհանուր մակերեսով բնակարանը սեփականության իրավունքով անհատույց օտարել (նվիրել) Սուսաննա Առաքելյանի բազմանդամ ընտանիքին:

Քննարկվող բնակարանը համաձայն անշարժ գույքի նկատմամբ իրավունքի պետական գրանցման հ.24112015-01-0216 վկայականի՝ հանդիսանում է Երևան համայնքի սեփականությունը:

Սուսաննա Առաքելյանն իր ամուսնու՝ Դավիդ Ասատրյանի, երեք տղաների՝ Արարատ, Արամ և Խաչիկ Ասատրյանների, հարսների՝ Հասմիկ Ռաթնոսյանի և Կարինե Խազյանի, թոռների՝ Մարիամ և Տաթև Ասատրյանների հետ /փաստացի 9 անձ/ բնակվում են վերջինիս մոր՝ Մետաքսյա Մելոյանին տրամադրված Մարգարյան փողոցի հ.29 շենքի հ.38 մեկ սենյականոց բնակարանում / հիմք՝ 26.09.2016թ «Մարիամ» համատիրության տեղեկանք/:

Երևան քաղաքի ժողովրդական պատգամավորների Մաշտոցի շրջխորհրդի գործադիր կոմիտեի 16.11.1990թ հ.26/149 որոշման համաձայն՝ Սուսաննա Առաքելյանի ընտանիքին վերաբնակեցման արդյունքում տրամադրվել էր Գ-3 թաղամասի հ.54 շենքից երեք սենյականոց բնակարան, սակայն նշված շենքը շահագործման չի հանձնվել և արդյունքում այս ընտանիքը փաստացի բնակարան չի ստացել, ինչի պարագայում, ներկայումս հանդիսանում է բնակարանային պայմանների խիստ կարիքավոր:

Համաձայն ՀՀ Կառավարությանն առնթրեր անշարժ գույքի կադաստրի պետական կոմիտեի աշխատակազմի տեղեկատվական տեխնոլոգիաների կենտրոնի ստորաբաժանման ղեկավարի 27.09.2016թ. հ.ԼԱ-2/7738 և 29.09.2016թ. հ.ԼԱ-2/7835, ԼԱ-2/7834, ԼԱ-2/7829, ԼԱ-2/7836, ԼԱ-2/7827 գրությունների՝ Սուսաննա Առաքելյանի, Դավիդ, Արարատ, Արամ Ասատրյանների, Հասմիկ Ռաթնոսյանի և Կարինե Խազյանի անվամբ Հայաստանի Հանրապետության տարածքում որևէ անշարժ գույքի նկատմամբ սեփականության իրավունքի պետական գրանցում կատարված չէ:

Երևան քաղաքի ավագանու 2015 թվականի դեկտեմբերի 23-ի հ.451-Ն որոշման հավելվածի /Օրագրի/ 3-րդ կետի համաձայն՝ Երևան քաղաքի սեփականություն համարվող գույքը կարող է անհատույց օտարվել միայն Երևան քաղաքի ավագանու որոշմամբ:

Հաշվի առնելով այս ընտանիքի բնակարանային պայմանների բարելավման խիստ անհրաժեշտությունը մշակվել է ավագանու որոշման սույն նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ
ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն
անհատույց օտարելու մասին» որոշման նախագծի ընդունման առնչությամբ այլ իրավական
ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՍԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ
ՄՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն
անհատույց օտարելու մասին» որոշման նախագծի ընդունման կապակցությամբ Երևանի բյուջեի
եկամուտներում և ծախսերում փոփոխություններ չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ